



Comhairle an
Aontais Eorpaigh



15211/14

(OR. en)

PRESSE 577
PR CO 55

PREASEISIÚINT

3343ú Cruinniú den Chomhairle

Gnóthaí Eacnamaíocha agus Airgeadais

An Bhruiséil, 7 Samhain 2014

An tUachtarán **Pier Carlo PADOAN**
Aire Gnóthaí Eacnamaíocha agus Airgeadais na
hlodáile

P R E A S

Rue de la Loi 175 B – 1048 AN BHRUISÉIL Teil.: +32 (0)2 281 6319 / 6319 Facs: +32 (0)2 281 8026
press.office@consilium.europa.eu <http://www.consilium.europa.eu/press>

Príomhthorthaí na Comhairle

*D'aithin an Chomhairle go ndearnadh athbhreithniú i mbliana ar mhórsála nach bhfacthas cheana ar ioncam **bhuiséad an Aontais** agus an tionchar atá aige ar státhistí náisiúnta roinnt Ballstát. D'iarr sí ar an gCoimisiún athbhreithniú a mholadh ar an Rialachán maidir le hacmhainní dilse, lena gceadófaí do na Ballstáit lena mbaineann na híocaíochtaí a éilítear a chur siar thar tréimhse a chríochnóidh an 1 Meán Fómhair 2015. D'aithin an Chomhairle freisin gur gá aghaidh a thabhairt ar ardleibhéal na n-éileamh gan íoc agus gur gá obair nithiúil a dhéanamh i leith seasamh a ghlacadh in am trátha i dtaca leis na dréacht-bhuiséid leasaitheacha don bhliain 2014.*

*Ghlac an Chomhairle na Conclúidí maidir le **staidreamh** an Aontais agus maidir le gnéithe airgeadais an bheartais aeráide, mar ullmhúchán le haghaidh chomhdháil na bpáirtithe i gcreat-choinbhinsiún na Náisiún Aontaithe ar an **athrú aeráide**.*

CLÁR¹**RANNPÁIRTITHE** Error! Bookmark not defined.**ÁBHAIR A PLÉADH**

AN STAID MAR ATÁ I LEITH IDIRBHEARTAÍOCHT AN BHUISÉID 7

CÁNACHAS: TREOIR MAIDIR LE MÁTHAIRCHUIDEACHTAÍ AGUS
FOCHUIDEACHTAÍ - CLÁSAL FRITH-MHÍ-ÚSÁIDE 8

CÁIN AR IDIRBHEARTA AIRGEADAIS 9

STADREAMH AN AONTAIS 10

CREAT-CHOINBHINSIÚN NA NÁISIÚN AONTAITHE AR AN ATHRÚ AERÁIDE 11

GNÓ EILE 14

– Obair leanúnach maidir le comhaid reachtacha 14

– Tuairisceán caighdeánach CBL 14

CRUINNITHE EILE A REÁCHTÁLADH AGUS AN CHOMHAIRLE AR SIÚL 15

ÁBHAIR EILE A FORMHEASADH***GNÓTHAÍ EACNAMAÍOCHA AGUS AIRGEADAIS***

– An Bord Aonair Réitigh: ranníocaíochtaí le haghaidh costais riaracháin 16

– Athbhreithniú ar an gCóras Eorpach Maoirseoirí Airgeadais 16

– An treoir maidir le ceanglais chaipitil: Caighdeán theicniúla 16

– Staidreamh - Caiteachas ar thaighde agus ar fhorbairt 17

– Rialachas eacnamaíoch - Ballstáit an limistéir euro ("dé-phaca") 17

– Maolú maidir le CBL - an Laitvia, an Liotuáin - Gnóthaí beaga 17

– Maolú maidir le CBL - an Eastóin - Gluaisteáin phaisinéirí 18

– Saint-Barthélemy - Cáin ar choigilteas agus comhar riaracháin 18

- ¹
- I gcás ina mbeidh dearbhuithe, conclúidí nó rún glactha go foirmiúil ag an gComhairle, léirítear é seo sa cheannteideal don ábhar lena mbaineann agus cuirtear an téacs idir chomharthaí athfhríotail.
 - Doiciméid a dtugtar tagairtí dóibh sa téacs, tá siad ar fáil ar láithreán Idirlín na Comhairle (<http://www.consilium.europa.eu>).
 - Gníomhartha a glacadh le dearbhuithe do mhiontuairiscí na Comhairle agus a fhéadfar a scaoileadh leis an bpobal, taispeántar le réiltín iad; tá na dearbhuithe seo ar fáil ar láithreán Idirlín na Comhairle nó féadfar iad a fháil ón bPreas-Oifig.

GNÓTHAÍ EACHTRACHA

- An Iaráin - bearta sriantacha..... 18
- Poblacht na hAfraice Láir - Oibríocht mhíleata an Aontais 18

AN LIMISTÉAR EORPACH EACNAMAÍOCH

- Leasuithe ar phrótacal a ghabhann le Comhaontú LEE..... 18

AN MARGADH INMHEÁNACH

- Cineálcheadú mótarfheithiclí..... 19

DLÍ NA gCUIDEACHTAÍ

- Ceanglais cuntasaióchta do chuideachtaí - an Chróit 19

TALMHAÍOCHT

- Biotáillí - Leasú ar liosta na sonraí geografacha 19

IOMPAR

- Idir-inoibritheacht na n-iarnród Eorpach - Feidhmeanna teileamaitice do sheirbhísí lastais..... 20
- Sábháilteacht eitlíochta - Fearais dáilte ocsaigine 20

AN COMHSHAOL

- Flóra agus fána fiáine 20

AN CULTÚR / CLOSAMHARC

- Clár Eoraip na Cruthaitheachta - an Eilbhéis 21
- AE-an Chóiré - Comhar cultúrtha 21

CEAPACHÁIN

- Coiste Eacnamaíoch agus Sóisialta na hEorpa 21

RANNPÁIRTITHE

An Bheilg:

Dirk WOUTERS

An Bhulgáir:

Dimitër TZANTCHEV

Poblacht na Seice:

Andrej BABIŠ

An Danmhairg:

Morten ØSTERGAARD

An Ghearmáin:

Wolfgang SCHÄUBLE

An Eastóin:

Maris LAURI

Éire:

Michael NOONAN

An Ghréig:

Gikas HARDOUVELIS

An Spáinn:

Luis DE GUINDOS JURADO

An Fhrainc:

Michel SAPIN

An Chróit:

Mato ŠKRABALO

An Iodáil:

Pier Carlo PADOAN

An Chipir:

Harris GEORGIADES

An Laitvia:

Jāis REIRS

An Liotuáin:

Rimantas ŠADŽIUS

Lucsamburg:

Pierre GRAMEGNA

An Ungáir:

Gábor ORBÁN

Málta:

Edward SCICLUNA

An Ísiltír:

Jeroen DIJSSELBLOEM

An Ostair:

Hans Jörg SCHELLING

An Pholainn:

Mateusz SZCZUREK

An Phortaingéil:

Maria Luís ALBUQUERQUE

An Buanionadaí

An Buanionadaí

An Chéad Leas-Phríomh-Aire Geilleagair agus an tAire Airgeadais

An tAire Gnóthaí Eacnamaíocha agus Baile

An tAire Cónaidhme Airgeadais

An tAire Airgeadais

An tAire Airgeadais

An tAire Airgeadais

An tAire Gnóthaí Eacnamaíocha agus Iomaíochais

An tAire Airgeadais agus Cuntais Phoiblí

An Buanionadaí

An tAire Gnóthaí Eacnamaíocha agus Airgeadais

An tAire Airgeadais

An tAire Airgeadais

An tAire Airgeadais

An tAire Airgeadais

Státrúnaí, an Aireacht don Gheilleagar Náisiúnta

An tAire Airgeadais

An tAire Airgeadais

An tAire Cónaidhme Airgeadais

An tAire Airgeadais

An tAire Airgeadais

An Rómáin:

Ioana-Maria PETRESCU

An tSlóivéin:

Dušan MRAMOR

An tSlóvaic:

Peter KAŽIMÍR

An Fhionlainn:

Antti RINNE

An tSualainn:

Magdalena ANDERSSON

An Ríocht Aontaithe:

George OSBORNE

An tAire Airgeadais Phoiblí

An tAire Airgeadais

An Leas-Phríomh-Aire agus an tAire Airgeadais

An Leas-Phríomh-Aire agus an tAire Airgeadais

An tAire Airgeadais

Seansailéir an Státchiste

An Coimisiún:

Kristalina GEORGIEVA

Marianne THYSEN

Pierre MOSCOVICI

Jonathan HILL

An Leas-Uachtarán

Comhalta

Comhalta

Comhalta

Rannpháirtithe eile:

Sabine LAUTENSCHLÄGER

Werner HOYER

Thomas WIESER

Jens GRANLUND

Comhalta an Bhainc Cheannais Eorpaigh

Uachtarán an Bhainc Eorpaigh Infheistíochta

Uachtarán an Choiste Eacnamaíoch agus Airgeadais

Uachtarán an Choiste um Beartas Eacnamaíoch

MÍREANNA A PLÉADH

AN STAID MAR ATÁ I LEITH IDIRBHEARTAÍOCHT AN BHUISÉID

Thug an Chomhairle dá haire na conclúidí a leanas ón Uachtaránacht maidir leis na saincheisteanna a bhaineann leis an mbuiséad sa bhliain seo agus arna iarraidh sin ar an gCoimisiún togra a chur isteach le haghaidh leasú ar rialachán:

"Thug an Coimisiún faisnéis faoi thorthaí na gceartúchán bliantúil ar acmhainní dílse bunaithe ar CBL agus OIN, de bhun mhíreanna 4 go 8 d'Airteagal 10 de Rialachán (CE, Euratom) Uimh. 1150/2000. Mar gheall ar an athbhreithniú mór a rinneadh ar OIN roinnt Ballstát go háirithe, beidh na ranníocaíochtaí breise a dhéanfaidh siad le buiséad an Aontais suntasach. Ina theannta sin, is gearr an mhoill rialála a bheidh ann go dtí an dáta íocaíochta, is é sin an chéad lá oibre i mí na Nollag. Mar thoradh ar an méid sin, d'fhéadfadh sé go mbeadh impleachtaí móra buiséadacha i gceist do na Ballstáit sin.

Dá bhrí sin, iarrann an Chomhairle ar an gCoimisiún togra a chur ar aghaidh le haghaidh leasaithe ar Rialachán Uimh. 1150/2000 ón gComhairle, a bheidh spriocdhíríte agus teoranta, chun aird a thabhairt ar na cúinsí eisceachtúla sin. Leis sin, ba cheart go gceadófaí don Bhallstát lena mbaineann an íocaíocht a éilítear a chur siar thar tréimhse réasúnta ama (tráth nach déanaí ná an 1 Meán Fómhair). Ar mhaithe le caitheamh leis na Ballstáit uile ar an gcaoi chéanna, ba cheart go mbeadh sé ina rogha dóibh uile an íocaíocht a chur siar i gcás ina mbeidh suim fhoriomlán na n-iarmhéideanna OIN thar a bheith ard. Agus na spriocdhátaí gearra á gcur san áireamh, ba cheart go mbeadh feidhm ag an leasú sin faoi 1 Nollaig na bliana seo (ar bhonn aisghníomhach más gá).

Ag an am céanna, ag aithint di an gá le haghaidh a thabhairt ar an méadú as cuimse ar na héilimh gan íoc ar fud na gceannnteideal agus na gclár uile i mbuiséad an Aontais, aontaíonn an Chomhairle obair nithiúil a dhéanamh, lena n-áirítear úsáid a bhaint as na hionstraimí solúbthachta a comhaontaíodh in CAI 2014-2020, chun seasamh a ghlacadh in am trátha maidir leis na dréacht-bhuiséid leasaitheacha do 2014, agus ag meabhrú di an seasamh a ghlac an Chomhairle cheana maidir leis an ndréacht-bhuiséad do 2015.

CÁNACHAS: TREOIR MAIDIR LE MÁTHAIRCHUIDEACHTAÍ AGUS FOCHUIDEACHTAÍ - CLÁSAL FRITH-MHÍ-ÚSÁIDE

Phléigh an Chomhairle dréacht-leasú ar rialacha an Aontais maidir le cáin lena ndírítear ar stop a chur le seachaint cánach agus le pleanáil ionsaitheach cánach á déanamh ag grúpaí corparáideacha.

Bhí tromlach mór na mBallstát réidh chun tacú le téacs comhréiteach a mhol an Uachtaránacht ([14531/1/14 REV 1](#)). Chuir na Ballstáit sin uilig in iúl go bhfuil siad tiomanta obair nithiúil a dhéanamh chun comhaontú a bhaint amach ag an gcéad chruinniú eile de chuid na Comhairle an 9 Nollaig 2014. Chuir an Ísiltír agus an Ríocht Aontaithe in iúl go bhfuil siad ag fanacht ar ghrinnscrúdú parlaiminteach. Mhol an Bheilg agus an Ísiltír na seachtainí eile atá fágtha a úsáid chun an téacs a shoiléiriú tuilleadh.

Leis an togra, thabharfaí isteach i dTreoir an Aontais maidir le máthairchuideachtaí agus fochuideachtaí clásal frith-mhí-úsáide a bheadh ceangailteach. Leis an gclásal sin, chuirfí cosc ar mhí-úsáid na Treorach agus d'áiritheofaí comhsheasmhacht níos fearr ó thaobh an Treoir a chur i bhfeidhm i mBallstáit éagsúla. Leis sin, bheadh ar na rialtais staonadh ó na sochair a bhaineann leis an Treoir a bhronnadh ar shocrú, nó ar shraith socruithe, nach 'fíor'shocruithe iad agus a cuireadh i bhfeidhm chun buntáiste cánach a fháil, seachas ar chúiseanna bailí tráchtála a bhaineann le staid an gheilleagair.

Foirmlítear an dréacht-chlásal frith-mhí-úsáide mar riail chomónta "de minimis" an Aontais. Leis sin, cheadófaí do na Ballstáit rialacha náisiúnta níos déine a chur i bhfeidhm, chomh fada agus a chomhlíonann siad íoscheanglais an Aontais.

Is tosaíocht mhór polaitíochta go hidirnáisiúnta í an tsaincheist maidir le seachaint cánach corparáide agus tá an-chuid airde á tabhairt ar an tsaincheist sin sna meáin le déanaí. Formhuiníodh obair na hEagraíochta um Chomhar agus Forbairt Eacnamaíochta (ECFE) maidir le creimeadh an bhoinn agus aistriú brabúis mar an bhealach chun cinn ag cruinnithe G20 agus G8 a bhí ar siúl le déanaí.

Bunaithe ar Airteagal 115 den Chonradh ar Fheidhmiú an Aontais Eorpaigh, ceanglaítear aontoilíocht leis an leasú le go nglacadh an Chomhairle í, tar éis dul i gcomhairle le Parlaimint na hEorpa.

CÁIN AR IDIRBHEARTA AIRGEADAIS

Phléigh an Chomhairle togra lena ndírítear ar cháin a thabhairt isteach ar idirbhearta airgeadais (FTT) in aon Bhallstát déag tríd an nós imeachta "comhar feabhsaithe". Thuairiscigh an Uachtaránacht maidir le hobair a rinneadh go dtí seo ([14949/14](#)) agus phléigh an Chomhairle saincheisteanna atá fós gan réiteach.

Chuir an Uachtaránacht in iúl go gcuirfí dlús faoin obair le go mbeifí in ann comhaontú a bhaint amach go luath, agus é d'aidhm aige an chéad chéim de FTT a chur chun feidhme ón 1 Eanáir 2016.

Thug sí dá haire go gcomhaontaíonn na Ballstáit rannpháirteacha gur cheart na hidirbhearta i scaireanna na gcuideachtaí a liostaítear ar stocmhalartáin a bheith faoi réir FTT. Caithfear obair bhreise a dhéanamh, áfach, ar dhíorthaigh a bheidh faoi réir FTT.

Is iad seo a leanas an 11 tír atá rannpháirteach sa chomhar feabhsaithe maidir le FTT: an Ostair, an Bheilg, an Eastóin, an Fhrainc, an Ghearmáin, an Iodáil, an Phortaingéil, an tSlóvaic, an tSlóivéin agus an Spáinn. Údaráíodh an comhar feabhsaithe i mí Eanáir 2013 le cinneadh ón gComhairle 2013/52/AE ([16977/12](#)), nuair nár tugadh tacaíocht d'aontoil do thogra ó mhí Mheán Fómhair 2011 le haghaidh FTT ar fud an Aontais.

I mí Feabhra 2013 thíolaic an Coimisiún an togra atá á phlé faoi láthair ([6442/13](#)). Caithfear comhaontú d'aontoil a fháil ó na rannpháirtithe, agus féadfaidh Ballstáit eile bheith rannpháirteach sa phlé.

Tá an raon feidhme céanna agus na cuspóirí céanna sa togra seo agus atá sa chéad togra ón gCoimisiún le haghaidh FTT ar fud an Aontais. Is éard atá i gceist leis ráta cánach de 0.1% ar idirbhearta i ngach cineál ionstraim airgeadais, seachas ar dhíorthaigh a bheadh faoi réir íosráta cánach de 0.01%.

Seo a leanas aidhmeanna an togra:

- a áirithiú go n-íocfaidh an earnáil airgeadais cion cóir de na costais a bhaineann leis an ngéarchéim airgeadais;
- cothrom na Féinne a chruthú i measc na n-earnálacha eile i dtéarmaí cánachais;
- idirbhearta a dhíspreagadh nach gcuireann le héifeachtúlacht na margaí airgeadais.

Tá an togra bunaithe ar Airteagal 113 den Chonradh ar Fheidhmiú an Aontais Eorpaigh agus ar chinneadh 2013/52/AE lena n-údaraítear comhar feabhsaithe. Ceanglaítear leis comhaontú d'aontoil idir na rannpháirtithe (laistigh den Chomhairle), tar éis dul i gcomhairle le Parlaimint na hEorpa.

STADREAMH AN AONTAIS

Ghlac an Chomhairle conclúidí maidir le staidreamh AE mar chuid den athbhreithniú bliantúil ar rialachas staitistiúil.

Bíonn creat beartais an Aontais ag brath níos mó agus níos mór ar staidreamh socheacnamaíoch ar ardchaighdeán a chur ar fáil in am trátha. Is tábhachtach an ról a bhaineann leis an staidreamh sin ó thaobh tionscnaimh bheartais a phleanáil, cinneadh a dhéanamh ina leith agus faireachán a dhéanamh orthu.

Cuirtear an méid sin in iúl leis na Conclúidí ón gComhairle. Agus tagairt á déanamh do nós imeachta an Aontais maidir le míchothromaíocht maicreacnamaíoch agus staidreamh struchtúrach, cuirtear fáilte sna Conclúidí roimh nuachóiriú an chórais staidrimh Eorpaigh (CSE).

Formhuinítear sna Conclúidí freisin tuarascáil bhliantúil ón gCoiste Eacnamaíoch agus Airgeadais maidir leis na ceanglais faisnéise faoi aontas eacnamaíoch agus airgeadaíochta an Aontais.

Ó 2006, chuir an Coiste Eacnamaíoch agus Airgeadais agus an Coiste um Beartas Eacnamaíoch san áireamh na riachtanais staidrimh a theastaíonn chun tacaíocht a thabhairt d'obair na Comhairle. Tá nuachóiriú CSE á dhéanamh ó 2009.

Is comhpháirtíocht é CSE idir Eurostat, údarás staidrimh an Aontais, agus institiúidí náisiúnta staidrimh agus údaráis náisiúnta eile atá freagrach as staidreamh. Is é an misean atá aige staidreamh iontaofa, inchomparáide a chur ar fáil ar leibhéal an Aontais.

Tá an téacs le fáil in [13845/14](#).

CREAT-CHOINBHINSIÚN NA NÁISIÚN AONTAITHE AR AN ATHRÚ AERÁIDE

Ghlac an Chomhairle na Conclúidí a leanas.

- "1. ATHDHEARBHAÍONN SÍ go bhfuil an tAontas agus a Bhallstáit tiomanta do leas níos mó a bhaint as maoiniú don aeráid i gcomhthéacs fíorghníomhaíochtaí maolúcháin agus thrédhearcacht an chur chun feidhme, d'fhonn a sciar den sprioc atá ag na tíortha forbartha a chomhlíonadh .i. USD 100 billiún in aghaidh na bliana a bhailiú go comhpháirteach faoi 2020 as foinsí éagsúla, idir phríobháideach agus phoiblí, idir dhéthaobhach agus ilthaobhach, lena n-áirítear foinsí malartacha airgeadais. CUIREANN SÍ I dTREIS gur gá an t-ualach a roinnt ar bhealach cothrom i measc tíortha forbartha agus IARRANN SÍ ARÍS go gcuirfeadh na geilleagair atá ag teacht chun cinn leis an maoiniú don oiriúnú don athrú aeráide agus don mhaolú air, ar aon dul lena gcumais agus lena bhfreagrachtaí faoi seach.
2. CUIREANN SÍ IN IÚL gur thug an tAontas agus a Bhallstáit níos mó ná mar a gheall siad ina nGealltanas Mearmhaoinithe Tosaigh maidir le EUR 7.2 bn a sholáthar idir 2010 agus 2012. LEAGANN SÍ BÉIM ar an ranníocaíocht de EUR 9.6bn¹ ón Aontas agus óna Bhallstáit don bhliain 2013 maidir leis an maoiniú don aeráid.
3. CUIREANN SÍ BÉIM ar an acmhainneacht a ghabhann leis an gCiste Glas don Aeráid chun tacú le hathrú ó bhonn i dtreo astaíochtaí ísle gás ceaptha teasa agus le geilleagair atá aeráid-díonach. IS DÍOL SÁSAIMH DI oibriú an Chiste Ghlais don Aeráid lena n-áirítear na cinntí chun díriú ar chothromaíocht 50:50 idir maolú agus oiriúnú le himeacht ama agus baineann sí an leas is fearr as a bheith rannpháirteach leis an earnáil phríobháideach. IS DÍOL SÁSAIMH DI an próiseas leanúnach maidir le hacmhainní tosaigh a bhailiú, go háirithe na fógraí luatha ó roinnt tíortha. IS DÍOL SÁSAIMH DI go háirithe an ranníocaíocht atá déanta ag roinnt tíortha atá i mbéal forbartha cheana. CUIREANN SÍ IN IÚL gur ó Bhallstáit an Aontais atá sciar mór de na fógraí luatha ag teacht, go dtí seo. IMPÍONN SÍ ar na tíortha uile ar féidir leo ranníocaíocht shuntasach a dhéanamh leis an gCiste Glas don Aeráid déanamh amhlaidh. TÁ SÍ AG SÚIL go mbeidh rath ar an gcéad chomhdháil deontóirí a bheidh ar siúl an 19-20 Samhain 2014. CUIREANN SÍ BÉIM ar a thábhachtaí atá sé go ndéanfar na beartais agus na nósanna imeachta a fhorbairt tuilleadh don Chiste Glas don Aeráid, ionas go bhféadfaidh an Ciste cistí a fháil agus a leithdháileadh go héifeachtach roimh Comhdháil na bPáirtithe (COP 21) chun go mbainfear athrú ó bhonn amach a luaithé is féidir.
4. CUIREANN SÍ IN IÚL gur ó fhoinsí éagsúla a thagann na straitéisí is inbhuanaithe agus is éifeachtaí chun maoiniú don aeráid a threisiú. CUIREANN SÍ BÉIM ar iarrachtaí an Aontais agus a Bhallstát chun an maoiniú don aeráid a threisiú, mar a leagtar amach iad sna haighneachtaí maidir le straitéisí agus bealaí cur chuige. MEABHRAÍONN SÍ gur próiseas atriallach é an maoiniú don aeráid a threisiú atá fite fuaite leis na timpeallachtaí cumasúcháin, straitéisí infheistíochta agus tionscadail atá á bhforbairt ag rialtais náisiúnta, agus ba cheart go mbeifí in ann gníomhaíocht na hearnála príobháidí a éascú leo uile.

¹ Áirítear ar an bhfigiúr sin foinsí airgeadais ó bhuiséid phoiblí agus ó institiúidí airgeadais eile don fhorbairt.

5. AITHNÍONN SÍ go mbeidh maoiniú don aeráid mar chuid thábhachtach de Chomhaontú na bliana 2015, mar bhealach chun teacht ar an sprioc comhaontaithe, is é sin teorainn a chur ar ardú na meánteochta domhanda go níos ísle ná 2°C thar na leibhéil réamhthionsclaíochta agus forbairt inbhuanaithe a bhaint amach a bheidh athléimneach ó thaobh na haeráide de agus a mbaineann gás ceaptha teasa íseal léi. Beidh ról tábhachtach ag maoiniú poiblí don aeráid tar éis na bliana 2020. Ba cheart go n-úsáidfí é ar an mbealach is éifeachtaí agus is éifeachtúla ó thaobh costais de, a mbíonn an tionchar is mó aige ar mhaolú, ar oiriúnú nó ar fhorbairt acmhainní. CUIREANN SÍ IN IÚL GO LÁIDIR a thábhachtaí atá Comhaontú 2015 chun patrúin infheistíochta a athrú i dtreo geilleagair agus sochaithe as a dtagann astaíochtaí ísle agus atá athléimneach ó thaobh na haeráide de. Is gá go léirítear sa Chomhaontú freisin a thábhachtaí atá an earnáil phríobháideach mar fhoinse thábhachtach don mhaoiniú don aeráid agus do shreabha ábhartha infheistíochta, ag aithint di go gcomhlánaítear an maoiniú ón earnáil phoiblí leis an maoiniú ón earnáil phríobháideach, agus nach gcuirtear in ionad an mhaoinithe ón earnáil phoiblí é, i gcás ina bhfuil gá le maoiniú poiblí. IS DÍOL SÁSAIMH DI na ráitis dhearfacha ón earnáil phríobháideach ag Cruinniú Mullaigh na Náisiún Aontaithe faoin Aeráid an 23 Meán Fómhair 2014.
6. CUIREANN SÍ IN IÚL GO LÁIDIR go mbeidh ról ag na páirtithe uile ó thaobh raon gníomhaíochtaí a chur chun feidhme, ar gníomhaíochtaí iad a bheadh ag teacht leis na freagrachtaí agus na cumais a athraíonn de shíor. Ba cheart go ndéanadh na Páirtithe uile gníomhaíochtaí áirithe agus is iad na páirtithe is cumasaí ba cheart gníomhaíochtaí eile a dhéanamh. Ba cheart go gcumhdófaí éagsúlacht na ról agus na ngníomhaíochtaí i gComhaontú 2015. Is éard a d'fhéadfadh a bheith i gceist leis na gníomhaíochtaí timpeallachtaí cumasúcháin baile a fheabhsú chun infheistíochtaí inbhuanaithe a mbaineann astaíochtaí ísle gás ceaptha teasa leo agus atá athléimneach ó thaobh na haeráide de a éascú, chun breithnithe maidir leis an aeráid a phríomhshruthú i mbeartais phoiblí, chun cuimsiú saincheistanna maidir leis an aeráid i gcinntí faoin infheistíocht phríobháideach a chur chun cinn agus chun maoiniú idirnáisiúnta don aeráid a bhailiú. CUIREANN SÍ I dTREIS nach mór d'fhorálacha Chomhaontú 2015 maidir leis an maoiniú don aeráid a bheith dinimiciúil agus in ann a oiriúnú do réaltacht agus riachtanais a bhíonn ag athrú trí chumais agus freagrachtaí na bPáirtithe a athraíonn de shíor a léiriú.
7. AITHNÍONN SÍ go bhfuil sé tábhachtach tacú le hoiriúnú chun go mbeidh straitéisí forbartha agus slí beatha tíortha atá i mbéal forbartha athléimneach ó thaobh na haeráide de. Tá iarrachtaí á ndéanamh ag an Aontas agus ag a Bhallstáit sciar mór den mhaoiniú poiblí don aeráid a chaitheamh ar oiriúnú, go háirithe trí aghaidh a thabhairt ar riachtanais na dtíortha atá i mbéal forbartha atá an-leochaileach. Sa chomhthéacs sin, beidh ról tábhachtach ag an gCiste Glas don Aeráid.
8. MEABHRAÍONN SÍ DI go bhfuil sé ríthábhachtach go n-éascófar timpeallachtaí chun gníomhaíochtaí maidir le maolú agus le hoiriúnú araon a éascú, chun astaíochtaí ísle gás ceaptha teasa a bhaint amach mar aon le forbairt atá athléimneach ó thaobh na haeráide de, amhail trí phleananna baile, straitéisí maidir leis an aeráid, beartais, ionstraimí agus sásraí agus creata cuiditheacha rialála. Ceann de na príomhghnéithe a bhaineann le timpeallacht chumasúcháin is ea an phraghsáil carbóin agus féadtar é a bhaint amach trí uirlisí éagsúla. Áirítear orthu sin mar shampla infheistíocht ard carbóin agus fóirdheontais breoslaí iontaise a laghdú. I ndáil leis sin, IS DÍOL SÁSAIMH DI an Ráiteas maidir le Praghsáil Carbóin ón mBanc Domhanda mar a fógraíodh ag Cruinniú Mullaigh na Náisiún Aontaithe faoin Aeráid an 23 Meán Fómhair 2014. CUIREANN SÍ IN IÚL GO LÁIDIR go bhfuil sé ar intinn ag roinnt Ballstát de chuid an Aontais teorainn a chur leis an gcúnamh a thugtar chun tionscadail a bhaineann le gual a mhaoiniú.

9. IARRANN SÍ go ndéanfar ranníocaíochtaí chun athshlánú leordhóthanach Ciste Iltaobhach Phrótacal Montréal a áirithiú, lena n-éascófar tacaíocht iltaobhach do leasú ar an bPrótacal lena gceadófar táirgeadh agus ídiú hidreafluaracarbón a laghdú, arb é ceann de na bealaí is tíosaí ar acmhainní é chun astaíochtaí gás ceaptha teasa a laghdú sa ghearrthéarma.
10. CUIREANN SÍ IN IÚL AN ATHUAIR go bhfuil gá le creat tomhais, tuairiscithe agus fíoraithe a bheidh stóinsithe agus comhchuibhithe agus le sainmhínithe soiléire, coitinne a fhorbairt chun an trédhearcacht agus an mhuinín riachtanach a áirithiú. TACAÍONN SÍ le trédhearcacht neartaithe agus leis an luas a cuireadh leis an obair chun go mbainfear amach creataí coitinne a comhaontáíodh go hidirnáisiúnta chun Faireachán, Tuairisciú agus Fíorú (MRV) a dhéanamh ar shreabha an mhaoinithe don aeráid, agus is díol sásaimh di go háirithe obair Ghrúpa Comhoibríoch ECFE maidir le maoiniú príobháideach don aeráid a rianú agus sruth oibre Choiste Cúnaimh Forbartha ECFE maidir le hathbhreithniú ar 'mharcóirí Rio' mar aon le hobair an Bhuanchaiste um Maoiniú maidir le Measúnú Débhliantúil agus an forbhreathnú ar shreabha an mhaoinithe don aeráid.
11. CUIREANN SÍ BÉIM LÁIDIR ar a thábhachtaí atá trédhearcacht i ndáil leis an maoiniú don aeráid, lena n-áirítear maoiniú príobháideach don aeráid. Ba cheart tuiscint shimplí, sholúbtha a bheith i gceist le tuiscint chomónta ar mhaoiniú príobháideach don aeráid, ionas go mbeidh an t-ualach riaracháin maidir le tuairisciú íseal i gcónaí. Ba cheart go gcruthófaí leis freisin na dreasachtaí cearta, lena spreagtar tíortha leas a bhaint as maoiniú don aeráid, agus é a bhailiú, d'fhonn maolú agus oiriúnú a chur chun cinn ar an mbealach is éifeachtúla. Gan dochar do chomhaontaithe idirnáisiúnta a dtiocfar orthu amach anseo, i ndáil leis an sprioc atá ag na tíortha forbartha, is é sin USD 100bn a bhailiú go comhpháirteach in aghaidh na bliana faoi 2020 ó fhoinsí éagsúla, i gcomhthéacs fíor-ghníomhaíochta maolúcháin agus trédhearcachta maidir le cur chun feidhme, cuirfidh an tAontas tuiscint i bhfeidhm maidir le maoiniú príobháideach don aeráid, mar thús, lena sonraítear an méid a leanas maidir leis na sreabha airgeadais sin: 1) go mbaileofar iad le maoiniú poiblí, nó trí idirghabháil phoiblí, lena n-áirítear i réimse an athchóirithe ar bheartas agus an athchóirithe rialála, agus 2) go mbeidh siad ábhartha ó thaobh na haeraíde de, i gcomhréir le critéir a úsáideann eagraíochtaí ábhartha idirnáisiúnta amhail ECFE agus na Baine Forbartha Iltaobhacha.
12. CUIREANN SÍ IN IÚL GO LÁIDIR go bhfuil an t-Aontas réidh le bheith rannpháirteach in idirphlé gníomhach ag Idirphlé ardleibhéil na nAirí maidir leis an maoiniú don aeráid a bheidh ar siúl le linn an tseisiúin i Lima."

GNÓ EILE

– *Obair leanúnach maidir le comhaid reachtacha*

Thug an Chomhairle dá haire an obair leanúnach atá ar bun i dtaca le comhaid seirbhísí airgeadais.

– *Tuairisceán caighdeánach CBL*

Thuiriscigh an Uachtaránacht maidir le hobair leanúnach atá á déanamh i leith togra chun tuairisceán caighdeánach CBL a thabhairt isteach, arb é is aidhm dó ualaigh ar ghnóthaí, go háirithe FBManna, a laghdú. Bhí plé gearr ag an gComhairle, agus chomhaontaigh an Chomhairle machnamh a dheanamh ar an mbealach is fearr le comhaontú a éascú.

CRUINNITHE EILE A REÁCHTÁLADH AGUS AN CHOMHAIRLE AR SIÚL

D'fhreastail Airí ó Bhallstáit an limistéir euro ar chruinniú de chuid an Ghrúpa Euro an 6 Samhain. Phléigh siad cláir choigeartaithe eacnamaíocha na Cipire agus na Gréige, an t-aontas baincéireachta (gnéithe an bhaineann leis an limistéar euro), obair leantach tar éis an Chruinnithe Mullaigh faoin Euro (cruinniú faisnéise) agus an staid eacnamaíoch agus an seasamh maidir leis an mbeartas buiséadach.

MÍREANNA EILE A FORMHEASADH**GNÓTHAÍ EACNAMAÍOCHA AGUS AIRGEADAIS****An Bord Aonair Réitigh: ranníocaíochtaí le haghaidh costais riaracháin**

Chinn an Chomhairle gan dul i gcoinne an Choimisiúin agus rialachán á ghlacadh aige maidir le córas sealadach tráthchodanna i leith ranníocaíochtaí chun caiteachas riaracháin an Bhoird Aonair Réitigh a chumhdach le linn tréimhse shealadach.

Is gníomh tarmligthe é an rialachán de bhun Airteagal 290 den Chonradh ar Fheidhmiú an Aontais Eorpaigh. Féadfaidh an rialachán sin teacht i bhfeidhm anois, mura ndéanfaidh Parlaimint na hEorpa agóid ina choinne.

I mí Iúil, ghlac an Chomhairle Rialachán lena mbunaítear sásra aonair réitigh do bhainc anásta ([11814/14](#)).

Athbhreithniú ar an gCóras Eorpach Maoirseoirí Airgeadais

Ghlac an Chomhairle na conclúidí maidir leis an athbhreithniú ar an gCóras Eorpach Maoirseoirí Airgeadais ([14681/14](#)).

I mí Lúnasa 2014, thíolaic an Coimisiún dhá thuarascáil, ceann amháin maidir le misean agus eagrú an Bhoird Eorpaigh um Riosca Sistémach ([12446/14](#) + [ADD 1](#)) agus an ceann eile maidir le hoibriú na nÚdarás Eorpach Maoirseachta agus oibriú an Chórais Eorpaigh Maoirseoirí Airgeadais ([12447/14](#) + [ADD 1](#) + [ADD 2](#)).

An Treoir maidir le ceanglais chaipitil: Caighdeáin theicniúla

Chinn an Chomhairle gan dul i gcoinne an Choimisiúin agus rialachán á ghlacadh aige lena bhforlíontar an treoir maidir le riachtanais chaipitil ("CRD4") 2013/36/AE mar a ghlaoitear air, i ndáil leis an modheolaíocht chun institiúidí domhanda a bhfuil tábhacht shistéamach ag baint leo a aithint agus fochatagóirí na n-institiúidí domhanda a bhfuil tábhacht shistéamach leo a shainiú.

Is gníomh tarmligthe iad na rialacháin de bhun Airteagal 290 den Chonradh ar Fheidhmiú an Aontais Eorpaigh. Féadfaidh siad teacht i bhfeidhm anois, mura ndéanann Parlaimint na hEorpa agóid ina gcoinne.

Staidreamh - Caiteachas ar thaighde agus ar fhorbairt

Chinn an Chomhairle gan cur i gcoinne an Choimisiúin agus Rialachán a ghlacadh aige a bhaineann le sonraí maidir le caiteachas ar thaighde agus ar fhorbairt ([15147/14](#) + [12515/14](#)).

Leis an dréacht-Rialachán, déantar iarracht formáid tarchurtha sonraí a bhunú, de réir mar a cheanglaítear le Rialachán 549/2013 maidir le córas Eorpach na gcuntas náisiúnta agus réigiúnach. Tá an Chomhairle den tuairim, áfach, nach gcomhlíontar leis an téacs na coinníollacha a leagtar amach in Airteagal 7(5) de Rialachán 549/2013 de réir mar a bhaineann sé le tarmligeán na gcumhachtaí don Choimisiún.

Is gníomh tarmlichthe é an rialachán de bhun Airteagal 290 den Chonradh ar Fheidhmiú an Aontais Eorpaigh. Toisc go bhfuil an Chomhairle i gcoinne an téacs, ní féidir é a fhoilsiú ná a theacht i bhfeidhm.

Rialachas eacnamaíoch - Ballstáit an limistéir euro ("dé-phaca")

D'fhorghuinigh an Chomhairle téacs comhdhlúite nua de chód iompair lena sonraítear na hoibleagáidí atá ar Bhallstáit an limistéir euro faoin gcomhshocrú cobhsaíochta agus fáis, arb é leabhar rialacha buiséadacha an Aontais é ([14928/14](#)).

Agus dhá rialachán maidir le beartas buiséadach ("dé-phaca") á gcur chun feidhme aici, d'fhorghuinigh an Chomhairle i mí Iúil 2013 cód iompair ina bhfuil treoirlínte a chomhaontaítear ar bhonn comhchoiteann le haghaidh creata comhchuibhithe do dhréacht-phleananna buiséadacha na mBallstát agus do thuarascálacha maidir le heisiúint fiachais.

Baineann na hathruithe ar an gcód sin a formhuinítear anois leis an méid seo a leanas:

- dréacht-phleananna buiséadacha a chur isteach nach léirítear dréachtbhuiséad cuí leo ach rogha gan aon athrú a dhéanamh ar bheartais amháin;
- dréacht-phleananna buiséadacha a chur isteach lena léirítear nach gcomhlíontar an comhshocrú cobhsaíochta agus fáis, rud atá an-dáiríre, agus an comhairliúchán ina dhiaidh sin leis an mBallstát lena mbaineann.

Maolú maidir le CBL - an Laitvia, an Liotuáin - Gnóthaí beaga

Ghlac an Chomhairle cinntí lena n-údaraítear don Laitvia agus don Liotuáin, de mhaolú ó Airteagal 287 de Threoir 2006/112/CE, leanúint de ghnóthaí beaga a dhíolmhú ó íocaíochtaí CBL faoi choinníollacha áirithe. Leis na bearta sin, bíonn daoine a bhfuil láimhdeachas bliantúil níos ísle ná €50,000 agus €45 000 faoi seach acu díolmhaithe.

Beidh feidhm ag na maoluithe go dtí 31 Nollaig 2017. Don Liotuáin, sínfidh sí cinneadh a rinneadh níos luaithe agus a rachaidh in éag an 31 Nollaig 2014. Sa Laitvia, chuaigh maolú roimhe sin in éag an 31 Nollaig 2013.

Maolú maidir le CBL - an Eastóin - Gluaisteáin phaisinéirí

Ghlac an Chomhairle cinneadh lena n-údaráítear don Eastóin bearta a thabhairt isteach lena maolaítear ó Threoir an Aontais maidir le CBL (2006/112/CE) de réir mar a bhaineann sé leis an gceart chun CBL a bhaint i ndáil le gluaisteáin phaisinéirí ([14521/14](#) + [14739/1/14 REV 1](#)).

Beidh feidhm ag an gcinneadh go dtí 31 Nollaig 2017. Leis an gcinneadh, tá an Eastóin in ann teorainn 50% a chur ar an gceart chun CBL a bhaint de chaiteachas ar ghluaisteáin phaisinéirí nach n-úsáidtear go hiomlán iad don ghnó. Cumhdaítear le caiteachas den chineál sin, ceannach, léasú agus allmhairiú gluaisteáin phaisinéirí agus iad a fháil laistigh den Aontas, mar aon le caiteachas lena mbaineann, amhail breosla a cheannach.

Saint-Barthélemy - Cáin ar choigilteas agus comhar riaracháin

Ghlac an Chomhairle cinneadh lena bhformheastar comhaontú idir an tAontas Eorpach agus an Fhrainc a chur i gcrích, ar comhaontú é a bhaineann le reachtaíocht an Aontais maidir le cánachas ar choigilteas agus comhar riaracháin i réimse an chánachais a chur i bhfeidhm maidir le Comhroinn Saint-Barthélemy ([14530/14](#)).

Síníodh an comhaontú an 17 Feabhra 2014, agus é faoi réir a churtha i gcrích tráth níos déanaí.

GNÓTHAÍ EACHTRACHA

An Iaráin - bearta sriantacha

D'fhormheas an Chomhairle leasuithe dlíthiúla ar liosta na ndaoine agus na n-eintiteas atá gan dochar do bhearta sriantacha an Aontais i gcoinne na hIaráine.

Poblacht na hAfraice Láir - Oibríocht mhíleata an Aontais

Chuir an Chomhairle trí mhí le hoibríocht mhíleata an Aontais Eorpaigh i bPoblacht na hAfraice Láir, go dtí an 15 Márta 2015. Meastar gurb ionann na costais choiteanna a bheidh ar an oibríocht don tréimhse ón 16 Nollaig go dtí an 15 Márta agus €5.7 milliún. Leasaigh an Chomhairle freisin an plean oibríochta i bhfeiliúint don sainordú sínte. Chun tuilleadh sonraí a fháil, féach preaseisiúint.

AN LIMISTÉAR EORPACH EACNAMAÍOCH

Leasuithe ar phrótacal a ghabhann le Comhaontú LEE

Ghlac an Chomhairle cinntí maidir leis an seasamh a bheidh le glacadh i dtionól chomhchoiste LEE thar ceann an Aontais Eorpaigh, i dtaca le leasuithe a dhéanamh ar Phrótacal 31 a ghabhann le Comhaontú LEE.

Baineann na leasuithe le clár sláinte ([12733/14](#)), línte buiséid ([12736/14](#)), cosaint tomhaltóirí ([12739/14](#)), Galileo ([12744/14](#)), loingseoireacht satailíte ([12747/14](#)) agus an clár Copernicus ([13492/14](#)). Tá gá leis na leasuithe sin chun reachtaíocht ábhartha an Aontais a ionchorprú i gComhaontú LEE.

AN MARGADH INMHEÁNACH

Cineálcheadú mótarfheithiclí

D'fhormheas an Chomhairle an seasamh a ghlacfaidh an tAontas i gCoimisiún Eacnamaíochta na Náisiún Aontaithe don Eoraip (CENAE) mar thacaíocht do na hoiriúnuithe maidir leis an dul chun cinn teicniúil atá á déanamh ar roinnt rialachán CENAE, ina n-áirítear an Rialachán Teicniúil Domhanda nua maidir le boinn ([14723/14](#)), an dréachtrialachán nua maidir le himbhualadh ar thaobh an phoil ([14831/14](#)) agus an dréachtrialachán nua maidir le feithiclí hidrigine agus breosla-chille ([14823/14](#)).

Déanann CENAE, ceanglais chomhchuibhithe a fhorbairt, ar an leibhéal idirnáisiúnta, a mbeartaítear leo na bacainní teicniúla maidir leis an trádáil i mótarfheithiclí agus i gcórais a bhaint d'fhonn leibhéal na sábháilteachta agus na cosanta comhshaoil a ardú.

DLÍ NA gCUIDEACHTAÍ

Ceanglais cuntasáíochta do chuideachtaí - an Chróit

D'athchóirigh an Chomhairle [Treoir Chuntasaíochta 2013/34/AE](#) chun aontachas na Cróite leis an Aontas Eorpach an 1 Iúil 2013 a chur san áireamh ([14017/14](#)).

I dTreoir 2013/34/AE, a ghlac an Chomhairle roimh aontachas na Cróite leis an Aontas Eorpach, leagtar síos na rialach cuntasáíochta is infheidhme maidir le cuideachtaí an Aontais a bhfuil sé mar chuspóir acu ualaigh riaracháin a laghdú agus rialacha cuntasáíochta a shimpliú, go háirithe d'fhiontair bheaga agus mheánmhéide; rud lena méadaítear soiléire agus inchomparáideacht ráitis airgeadais agus lena bhfeabhsaítear trédhearcacht maidir le hiocaíochtaí a íocann an tionscal eastóscach agus logálaithe na foraoise príomha le rialtais.

TALMHAÍOCHT

Biotáillí - Leasú ar liosta na sonraí geografacha

Chinn an Chomhairle nach ndéanfaidh sé agóid i gcoinne an Choimisiúin agus leasú a ghlacadh aige le hIarscríbhinn II agus Iarscríbhinn III a ghabhann le Rialachán 110/2008 maidir le sainmhíniú, tuairisc, cur i láthair, lipéadú agus cosaint sonraí geografacha ar dheochanna biotáilleacha ([5178/14](#))

Is deoch biotáilleach é 'Pacharán' a dhéantar tríd airní (*Prunus spinosa*) a mhaothú in alcól eitile de thionscnamh na talmhaíochta a thairgtear go tradisiúnta sa Spáinn. Leis an leasú le hIarscríbhinn II, déantar sonruithe chatagóirí cuid de na deochanna biotáilleacha a athchóiriú trí chatagóir nua a chruthú darbh ainm 'deoch biotáilleach airní-chumhraithe nó *Pacharán*'. Sa bhreis air sin, foráiltear sa leasú le hIarscríbhinn III don táscaire geografach '*Pacharán navarro*' a aistriú ón gcatagóir eile 'Deochanna biotáilleacha eile' chuig an gcatagóir 'deoch biotáilleach airní-chumhraithe nó Pacharán' san iarscríbhinn chéanna.

Tá an rialachán seo ón gCoimisiún faoi réir an nós imeachta rialúcháin lena ngabhann grinnscrúdú. Ciallaíonn sé sin, anois go bhfuil a toiliú tugtha ag an gComhairle, go bhféadfaidh an Coimisiún an rialachán sin a ghlacadh mura ndéanfaidh Parlaimint na hEorpa agóid ina choinne.

IOMPAR**Idir-inoibritheacht na n-iarnród Eorpach - Feidhmeanna teileamaitice do sheirbhísí lastais**

Chinn an Chomhairle gan cur i gcoinne an Choimisiúin agus Rialachán a ghlacadh aige maidir leis an sonraíocht theicniúil le haghaidh idir-inoibritheachta a bhaineann leis na "feidhmeanna teileamaitice d'fhothóras lastais" córas iarnróid na hEorpa agus lena n-aisghairtear Rialachán 62/2006 ([12761/1/14 REV 1](#) + [ADD 1 REV 1](#)).

Is é is cuspóir don sonraíocht theicniúil sin idirmhalartú éifeachtúil faisnéise a áirithiú agus próiseas iompair a bhaint amach atá chomh inmhathana ó thaobh an gheilleagair de agus is féidir. Cumhdaítear leis feidhmeanna do sheirbhísí lastais agus naisc le modhanna eile iompair a bhainistiú.

Tá an dréachtrialachán faoi réir an nós imeachta rialála lena ngabhann grinnscrúdú. Anois go bhfuil a toiliú

tugtha ag an gComhairle, féadfaidh an Coimisiún é a ghlacadh mura ndéanfaidh Parlaimint na hEorpa agóid ina choinne.

Sábháilteacht eitlíochta - Fearais dáilte ocsaigine

Chinn an Chomhairle gan dul i gcoinne an Choimisiúin agus cinneadh á ghlacadh aige lena n-údaráítear don Fhrainc maolú ó rialacha coiteanna áirithe don tsábháilteacht eitlíochta a bhaineann le fearais dáilte ocsaigine in urrann na bpaisinéirí ar eitleán ([13109/14](#) + [ADD 1](#)). Tá an maolú bunaithe ar Airteagal 14(6) de Rialachán 216/2008.

A luaithe a fhorghabháil an beart, beidh na Ballstáit uile i dteideal é a chur i bhfeidhm.

Tá an cinneadh ón gCoimisiún faoi réir an nós imeachta rialúcháin lena ngabhann grinnscrúdú. Ciallaíonn sé sin, anois go bhfuil a toiliú tugtha ag an gComhairle, go bhféadfaidh an Coimisiún an cinneadh sin a ghlacadh mura ndéanfaidh Parlaimint na hEorpa agóid ina choinne.

AN COMHSHAOL**Flóra agus fána fiáine**

Chinn an Chomhairle gan dul i gcoinne rialachán ón gCoimisiún a ghlacadh lena leasaítear Rialachán (CE) Uimh. 338/97 ón gComhairle maidir le speicis de fauna agus flora fiáine a chosaint trí thrádáil a rialú ([13677/14](#)).

Tá an Rialachán ón gCoimisiún faoi réir an nós imeachta rialúcháin lena ngabhann grinnscrúdú. Ciallaíonn sé sin, anois go bhfuil a toiliú tugtha ag an gComhairle, go bhféadfaidh an Coimisiún an Rialachán sin a ghlacadh mura ndéanfaidh Parlaimint na hEorpa agóid ina choinne.

AN CULTÚR / CLOSAMHARC**Clár Eoraip na Cruthaitheachta - an Eilbhéis**

Ghlac an Chomhairle cinneadh lena n-údaraitear idirbheartaíocht a oscailt le Cónaidhm na hEilvéise le go dtiocfadh ar chomhaontú maidir le páirt a ghlacadh ag an tír sin i gClár Eoraip na Cruthaitheachta idir an tAontas agus cónaidhm na hEilvéise (*14175/14*).

Tá buiséad de €1.46 billiún agus cuspóir dúbailte ag an gClár Eoraip na Cruthaitheachta (2014-2020)¹: is é sin, éagsúlacht chultúrtha agus theangach a chur chun cinn agus iomaíochas earnáil an chultúir, earnáil an chlosamhairc agus na hearnála cruthaithí a fheabhsú, agus na dúshláin a chruthaítear leis an domhandú agus le teicneolaíochtaí digiteacha á gcur san áireamh go háirithe. In aon chlár amháin tá trí sheanchlár neamhspleácha: CULTÚR, NA MEÁIN agus MEDIA MUNDUS.

AE-an Chóiré - Comhar cultúrtha

Ghlac an Chomhairle an seasamh a dhéanfar thar ceann an Aontais Eorpaigh sa Choiste

don Chomhar Cultúrtha a bunaíodh leis an bPrótacal maidir le comhar cultúrtha don Chomhaontú Saorthrádála

idir an tAontas agus a Bhallstáit agus Poblacht na Cóiré, i ndáil le liosta de 15 duine a bhunú a bheidh ina n-eadránaithe i gcás díospóidí (*14244/14*).

CEAPACHÁIN**Coiste Eacnamaíoch agus Sóisialta na hEorpa**

Cheap an Chomhairle Anne DEMELENNE (an Bheilg) (*14653/14*) agus Henri WAGENER (Lucsamburg) (*14658/14*) mar chomhaltaí de Choiste Eacnamaíoch agus Sóisialta na hEorpa ar feadh a bhfuil fágtha den téarma reatha oifige, a leanann go dtí an 20 Meán Fómhair 2015.

¹ IO 347, 20.12.2013.

² IO L 127, 14.5.2011